

Pola Galesianandmo tiratna timbiŋ rapar Outna kam

Na out ngoinna Iesusmo ranġairena wiwitta anna Iudanangep ningik. Na inŋmbaia Iesusa ndona up anġirena ramtairta ramoot Polmo, mbaġirica ma tanġa Iudana meikramtair wanaiŋ motoca kam wembaŋ laŋmo wiwiturina. Na an kidrikca an meikramtaira Iesusna wiwitmo mandeba kipca mbukri, makuk ianna larurina. Ngaua an meikramtaira mina Tip Wandikca an Iudanangepca morenanmo, mba ranġairena. Na an minna mina Iesusa ripacrena laiplacar tarurinanna, mitoco Tip Wandikmo ranġaiit, co, wanaiŋ?

Ainda moca ramtair ndeida minmo, moa mina Iudanangepca tipna kirara ranġaica ndorita tikembmo katacna Tip Wandikca ranġaina. Na Pola gaindopatna, wanaiŋ, aia Iesus Karaisa ripac te, anna ndo aimo moi aia Raraŋ Aetaniacna lamniac ngoutta meikramtair laiŋ tarunande, na aia iarwar ndeteacna wat ngam anġinande.

Na an Iudiana ramtair ndeida, mina Galesiana pitrikca tanġa, mina Iesusa ripacrena laiplacarmo towai moa, mina Tip Wandikca ranġaina morena. Aintik Pola an reac laruatna kamma waraca, ma Galesiananmo gan timbiŋ rapara tirca mina ritipaikapa, mina tipembta kirarimo moi wandonġaina morina.

Na outta Pola gaindopatna, Raraŋ Aetaniaca ndo mbuŋa manmo larapaca ma an up aŋgirena ramootna aiŋa mona moca. Na ma ndona toŋtoŋ mbuŋa mba raŋgairi, co, ramoot ianna kamma mba raŋgairi. Wanaiŋ ŋgoin. Raraŋ Aetaniaca manmo aca manmo ripac ŋgocorta meikramtairmo kam wembaŋ laŋ wiwitina aiŋmo neaŋgatna. Na iŋmbaia Pola gaindopatna, meikramtaira Iesusmo ripacrenanna, min tiŋgikca Raraŋ Aetaniacna lamniac ŋgoutmo meikramtair wandoik ndarurena. Na gan timbiŋ raparna mamaina kam tipca gaind, an kidrikca aimo mbaiŋ wanaiŋna aiŋa morenanna, Iesusa mo kecariri, na aimo mac nda aŋgica aia laŋ macariri, na Ŋeroŋ Ratta aina eteac laŋna iroar inkarta tiŋara morena, na aia kabena meikramtairmo tipemb kirarir laiŋga mona.

Raraŋ Aetaniaca Polmo ndona up aŋgirena aiŋna ramootta mona moca mammo ndo mbuŋa larapacatna

(1.1—2.14)

¹ Aku Pol, aku Iesusna up aŋgirena ramoot ian. Ramtair ndeida aukmo mba larapacatke, na ramoot ianna aukmo an aiŋ, up aŋgirena ramootta mo nake, mba mbagiri-atke. Wanaiŋ ŋgoin. Aku an aiŋa morinanna, Iesus Karais-apa aina Raraŋ Aetaniacap, maniŋa aukmo an aiŋa mona larapacatna. An Raraŋ Aetaniac

ma ndo Iesusmo mukca tikca mac nda moca ngepatna. ² Aina moca aukapa, aina Iesusa ripacrena laiplacara aukap eacrenanna, aku gan kammo timbinj rapara tikca nenmo Galesiana inik ndeacrena auñembta meikramtaira Iesusna ritipaikta meikramtairta tumnambmo, aku an kam neanğa kipekna.

³ Na aina Aet Rarañ Aetaniacapa Kacoot Iesus Karaisa nenmo kadmaica nena iroar inkarmo, moi wewettaca lañ ndeacnandet. ⁴ An ramoot Iesus Karais, ma ndo aina Rarañ Aetaniac, Aetna tonñona ranğaica, ma aina tipemb ngorikta makukara mo kecarina moca, ndona eteacna watnan kecariatna, na ma aina moat tik, ma aimo gan tiacarpaikna tip ngoreacna inikca tikca, aimo mac nda anğinande. ⁵ Aina moca aia Rarañ Aetaniacna i aniacmo, memetmbaca iarwar naanğiri ngeprañ. Anna gidik ngoin.

Kam wembañ lañ kabe niñgikca ndo eacrena

⁶⁻⁷ Na kam wembañ lañ kabe niñgikca ndo maeacreke. Kabena kam wembañ lañ ianna eac ngocor. Wanaiñ ngoin! Meikramtair ndeida nena iroarmo moa ngocraica, Karaisna kam wembañ lañ ngetrikina moca anna morena. Aukna iro nikinikca an tip kirara ne moapeknan mbatca aku ngep ngoreac nanğeprina. An aiña Karaisa nena eteac lañ ndeacna kakadmaina opotac laña moapekna aiña, Rarañ Aetaniaca nenmo ndona meikramtaira mona moca anna

1:3 Ro 1.7, na Pil 1.2 **1:4** Ro 4.25, na Gal 2.20, na 1 Ti 2.6, na Ta 2.14, na Ib 2.5, na 1 Io 5.19 **1:6-7** Up 15.1, na 15.24, na 2 Ko 2.17, na 11.4, na 11.13

ngacri. Na ne tawi ngoinna nguriraca ndorimo manmo kecarina moapeke, ne kabena kam ianmo, anmo kam wemban laj ndopca an mac rangaina morena. ⁸ Njarikca aia ndorimo kabena kam wemban laja nenmo an wiwiti te, co, tamunna aunna mbainna ainna morena neron ianna ndo wiwiti nari, an kam wemban laja, aia nenmo ngaua ndoprina kamna kirara wanaij, mandaia an tipna kirara mo te, manmo watcarica, Rarañ Aetaniaca manmo mandaca ma tanca memenacna taup ndeacrañnande. ⁹ Na an kamma aia ngaua nenmo mboprinanna, anna mandeaca aku an kam mac mbopnande. Njarikca, ramoot ianna nemo kabena kam wemban laj ian wiwiti te, an kamma ngaua ne waracatna kamna kirara wanaij. An ramootmo watcarica Rarañ Aetaniac, mammo mandaca ma tanca memenacna taup ndeacrañnande.

¹⁰ Na mandebanna aku mbopapekna kamma, ne tit ndamñirena. An kamma meikramtairmo, moca mina aukmo tonjoit ki, a? Wanaij! Rarañ Aetaniaca ma ndo aukmo tonjonande. Co, aku meikramtairmo waiaocre ki, a? Wanaij! Ne matau warac! Aku meikramtairmo waiaocrañ te, anna aku Karaisna ainna ramootta wanaij.

Pola Iesusna up anjirena ramoot ndaruatna ninini

¹¹ Iesusa ripacrena laiplacar, aku nenmo gidik ngoinna aindopnande. An kam wemban laja ngaua aku nenmo wiwitiatna kamma,

1:8 1 Ko 16.22 **1:9** TW 4.2, na ML 30.6, na KIEK 22.18-19

1:10 1 Te 2.4, na Ie 4.4, na 1 Io 3.19 **1:11** Mt 16.17, na 1 Ko 15.1

anna ramoot ianna mba moatna reaca wanaiŋ.
 12 Aku mba an kam wembaŋ laŋa, ramoot ian ndambuŋa mba tikca anŋiratna kamma wanaiŋ. Na ramoot ianna, aukmo mba riptiatke. Wanaiŋ ŋgoin! Iesus Karaisa ma ndo auk ndambuŋ ndaruca, an kam wembaŋ laŋ wandacatnan.

13 Ri, ne waraca mamaiat, ŋgaua, auk morina reikta kambca, ne lamŋirena, aku ŋgaua Iudananta tip kirar ŋgoinna mataua ripaca ranŋairi, aku Raraŋ Aetaniacna Iesusna ritipaikta meikramtairta tumnambmo, aku minmo makukar anik neaŋrina. Ainda mori, aku minmo mo ŋgocairina. 14 Aku aina Iudananta tip kirara matau ŋgoinna ranŋairi, moca taŋrina. Ri, aku Iudana inikna ramtair ŋgaibapa, aukna urmbarmo, aku minmo aina nicauna tip kirar mbuŋa outta taŋrena.

15 Na ŋgaua aemma aukmo mir ŋgocor ndeacri, Raraŋ Aetaniac aukmo atuna babu-atna. Ma ndo lamŋirena rana minna tik te, ma ndona kakadmaina opotac mbuŋa, ma aukmo ndona ramoot ŋgoin ŋgacnande. 16 Na ma ndo toŋgoca aukmo ndona moonnuocmo gidik ŋgoinna wandacatke, ma aukmo man ŋgoinna ranŋaica Iudana meikramtair wanaiŋmo, anna kam wembaŋ laŋ wiwitina moca. Na Raraŋ Aetaniaca ndo, aukmo an tip kirara mona ndopatna. Ainda moca aukmo ŋgaua wandacatke, aku

1:12 1 Ko 15.1-3, na Gal 1.1, na Epe 3.3 **1:13** Up 8.3, na 9.1, na 22.4-5, na 26.9-11, na 1 Ti 1.13 **1:14** Up 22.3, na 26.9, na Pil 3.6 **1:15** Ais 49.1, na Ier 1.5, na 49.1, na Up 9.15, na Ro 1.1
1:15 Up 9.3-6, na 22.6-10, na 26.13-18 **1:16** Ro 11.13, na 2 Ko 4.6, na Gal 2.7

mba tanğa meikramtair ndeidmo mba digiatke. ¹⁷ Ri, aku Ierusalem ga nake, mba tanğatke. Wanaiŋ ngoin! Aukna outmbai ndaruatna up anğirena ramtaira wat nake, mba tanğatke! Aku anduna ngepca tanğa Arebiana pitrik anikpaik ndaruca an ndeacaca, inğmbaia aku mac nda tanğa auŋ Damaskus ndaruca. ¹⁸ An ndeacaca iarira mbonkac maiatke, aku Pitaap mbopna moca Ierusalem nagaca. Manapmo karwai tipca manap eecatke. ¹⁹ An minna, aku kabena up anğirena ramoot ianmo mba watatke. Aku Kacootna lapmbitac Iemis niŋgik mawatat. ²⁰ Gan kam, aku nenmo gade tirca neanğa kipekna kam, an kamma aku nenmo mba paruapeke, Raraŋ Aetaniacna lamniac ngoin watreke, aku nenmo gidik ngoin ndoprena.

²¹ Inğmbai mbuŋa, aku Siriana pitrik anikpaikna auŋembapa, Silisiana pitrik anikpaikna auŋembta inikca mbukca, anna taŋrena. ²² Iesus Karaisna inğa ranğairena meikramtairta tumnambca Iudia inik ndeacrenanna, mina mba aukna inpaŋanna mba watta garacatke. ²³ Mina aukna ninini niŋgikca gaimda waracrina, “Nğaua an ramootta ma aimo makukar anikca neanğri, aina ritipaca moa ngocrairina ramoot. Mandeaca ma an kam wembaŋ laŋmo, an nğaua ma kam laŋa moa ngocrairina ritipacna tip kirara, mandeaca ma ngetrikica, an ritipacna tip kirarmo ma aında wiwitirena.” ²⁴ Mina waracrinanna Raraŋ Aetaniaca, aukmo morina reikta kam mbaraca,

mina mana ia anğira ngeprina.

2

*Up anğirena ramtaira Polmo ndorita lapla-
cauna kirar naanğirina*

¹ Aku an ndeaca iarira 14na min maiatke, inğmbaia aukapa Banambasap, anğa Ierusalem mac nda gacatke, aku Taitusap anğirca ma toco anğap mataņgat. ² Raraņ Aetaniaca ndo aukmo wandaca aında moca aku tanğatna. Aku tanğa Ierusalem ndecatke, aku mina ramtair paņaind točna ramtair tinğiknanap mbopatna. Na aku minmo an kam wembaņ laņmo, Iudana meikramtair wanaiņmo, aku minmo ndo memetmbaca wiwitirena kam, an reikta ninina kam ndopacarica. Aku gaind ndamņiatna. Na rikca, gan aiņa, aku nğaua morina aiņirapa, mandeacna aiņirta kirarir, mana gagamma mba laruitndai. ³ Na anna gidik, Taitus ma Girikna ramoot ian, ma aukap eecatke, mina mba aimo mana tikiņjit katac nake mba mbopatke. ⁴ An kam laruatna miniņa gaind. Paparuna laiplacar ndeida, mina aina tumbunmo inğoroca kipcica mbukca watri, Iesus Karaisa aimo aina makukara moa kecariatke, mina aina eteac laņ ainan mbatca tonğorina. Aında moca an ramtair mina aimo Tip Wandikna kanğaukna tuombta aiņir kamndera mac mona ndopri. ⁵ Na aia aindopatna, aia an paparuna ramtairta

2:1 Up 11.30, na 15.2 **2:3** Up 16.3 **2:4** Up 15.1, na 15.24,
na 2 Ko 11.20, na 11.26, na Gal 1.7, na 5.1, na 5.13 **2:5** Gal 3.1,
na 4.16

tonɔŋgarta reikta kaŋgauk ndeteaca, aia karia. Aia tonɔgorinanna kam wembaŋ laŋa gidikca kai ngetriki teac. Ne memetmbaca an kam gidik niŋgikca nenap eacraŋ.

⁶ Aukna landamɔŋia, aku gaind ndamɔŋirina. Ramtair ndeida, mina irembta ramtair paŋaind točna ramtair, anna reac tekernoc. Raraŋ Aetaniac, ma mba irembta ramtair tiŋgikta mba lamɔŋirenanna. Mina aukna morina reikta kambta nininia mina aukmo mba mac nda ipuŋga kam ianna mba mbopatke. Wanaiŋ ŋgoin! ⁷ Ainda moca mina watatke, Raraŋ Aetaniac, ma aukmo ndona aiŋa mona moca, aukmo an aiŋmo Iudana meikramtair wanaiŋmo kam wembaŋ laŋnan wiwitina moca. Anna kirar, ma ndo Pitamo an kam wembaŋ laŋmo, Iudananda wiwitia mbopatna aiŋna kirar ŋgoin. ⁸ Anna gidik, Raraŋ Aetaniaca Pitamo, Iesusna up aŋgirena ramootmo aiŋ neaŋga ma Iudananta kidrikca tiki mona gargar neaŋgatna. An aiŋna kirara Raraŋ Aetaniaca ndo auk motocmo, up aŋgirena aiŋ neaŋga aukmo Iudana meikramtair wanaiŋna kidrikca tiki mona an aiŋna gargarap neaŋgatke. ⁹ Na Iemisapa, Pitaapa, Ionap, minmo meikramtaira Iesusna ritipaikta meikramtairta tumbunna ramtair paŋaindta kirar toc watrenan. Na an minna, an ramtaira lamɔŋia garacatna, Raraŋ Aetaniaca ndo aukmo, kakadmaina opotac laŋna aiŋ an neaŋga, ainda moca mina

2:6 TW 10.17, na Up 10.34, na Ro 2.11, na 2 Ko 12.11, na Gal 6.3

2:7 Up 22.21 **2:9** In 1.42, na Ro 1.5, na Epe 3.8

Banambas anmo, anna parniņ ņgutiņa, mina anmo anģira ndorita laiplacarta kirar ņgoinna wandacatna. Ainda moca aia muruņa iro kabe anģica, aia kam leaca gaindopatna. Anģa Iudana meikramtair wanaiņa kidrik ņgirikca anna tikca, aiņa mo te, mina ndori Iudananta kidrik ņgirikca anna tikca aiņa monandet.¹⁰ Mina anmo, gan kam niņģik ndopatna. Mina tonģorinanna, anģa mina Ierusalemna reik kocorta meikramtairmo, anģa mina rik ņgirikca min ņgotacna. Mina aindopatke. Aku ndomo, an aiņa ndomo memetmbaca tonģo moca taņraņa morena.

Pola Pitana katta moatna tip kirara an ndopca laruatna

¹¹ Pita ma ndo, tip laņa mo ņgocor. Tik, an min mbuņa ma auņ Antiok nakipatke, aku manmo mana inpaņan ņgoin mbatca, manmo kaeg mamoot.

¹² Ri, Iudana ramtair ndeida Iemisap eacrenanna, kip laru ņgocor ndeacri. Na Pita ma Iudana meikramtair wanaiņap, amba taņrina. Ri, Iudana tik katacrena tip kirara ranģairena laiplacar ndeida kipca laruatke, Pita, min mbatca ma rugut mocarica. Ainda moca Pita, ma Iudana meikramtair wanaiņnanmo kipi mik ņgocor. Ma minmo iukaia mon tawan maeacat. ¹³ Karica Iudana laiplacar ndeida Antiok auņ ndeacrenan toco manap ainda morinan, mina paparuna an tip kirar mbuņa anna moatke. Iņmbaia

mina paparuna tip kirara, Banambasna iro motocmo moa ngetrikica, ma mina ranġaiatna. ¹⁴ Inmbaia aku wattatnanna, mina mba kam wemban laj gidikca mba njanaria ranġaiatke. Ainda moca aku Pitamo meikramtair witta lamnik ngoutta tikca gaindopatna, “Pita, u Iudananta ramoot ian. Una ranġaiatna tip kirara, u Iudana meikramtair wanaij morena tipna kirar. U Iudananta ramootna kirara wanaij. Aintik kaina moca, u Iudana wanaijna ripacrena laiplacarmo gagraca mina Iudana tip kirara ranġaina moca.”

Mandaibinna Iesus Karaisa ripacrenan min tingikca Raraġ Aetaniacna lamniacmo wandonj ndeacrena

(2.15—4.31)

Meacramoota Iesusa ripac te, ma meacramoot wandonj ndarunande

¹⁵ Karica aku gaind mac mbopatna, “Pita, anna gidik. Anġa Iudanan. Iudana meacando anmo miratnan. Anġa mba Iudana meikramtair wanaijna, tip ngoreacna makukca morena meikramtaira wanaij. ¹⁶ Anġa malamjireke, Raraġ Aetaniaca ma mba gainda mba lamnjirenanna, ramootta Tip Wandikca ranġai te, ma manmo, anna moca manmo ramoot wandonj laj ngacna minna wanaij ngoin! Ramootta Iesus Karaisa ripaca utinj

2:14 1 Ti 5.20 **2:16** Njap 143.2, na Up 13.38-39, na 15.10-11, na Ro 1.17, na 3.20-28, na 4.5, na 11.6, na Gal 3.11, na Ib 7.18-19

te, anmo Raraŋ Aetaniaca manmo ramoot wandonj laŋ ŋgacraŋnande. Ainda moca aŋ toca ripacrena. Ramoot ianna Iesus Karaismo ripaca utiŋ te, an taup niŋgikca ndo Raraŋ Aetaniaca anmo ramoot wandonj laŋ ŋgacnande. Tip Wandikca raŋtaŋgaina tip kirara wanaiŋ. Aintik an taupca ramoot ianna ainda ŋaŋari raŋgaica Raraŋ Aetaniac manmo ramoot wandonj laŋa mba acatke. Wanaiŋ. ¹⁷ Aia Iesus Karaisna ritipacmo utiŋ te, anna ndo aimo Raraŋ Aetaniacna lamniac ŋgoutmo ramoot wandonj laŋ ndarunande. Na aia Iudanan, aia ndorimo mac nda wat te, aia gaind mbatnande. Ai toco, aia tipemb ŋgorikta makukarta aiŋa morena meikramtair ndeacrena. Ainda mo te, aia gaindopna min, ‘Karais, ma ndo tip ŋgoreacna makukna tipna kirara mo gagarana moca more ki, a?’ Ainda wanaiŋ! Aia ainda kai mbop teac. ¹⁸ Ŋarikca, aku ndomo Tip Wandikna kaŋgauk ndeacrenan, an kecarica eacici, iŋmbaia aku an tip kirar mac nda mo te, aku ndomo mawandacri, aku meikramtairmo ndomo waekeke ŋgoinna wandacrina, aku Tip Wandikca mba raŋgairena ramoot. ¹⁹ Tip Wandikca ma aukmo memenacna taupca tikca eacrena, mana wapatta, aku menaca eacrena ramootna kirar toc. Na gan taup mbuŋ tik, aku Karaisap ik nakeraca manap mamenacri. Aku mandeaca Raraŋ Aetaniacnan. Aukna eteacna wat, anna manan. Ainda moca aku menaca,

2:17 1 Io 3.8-9 **2:19** Ro 6.11, na 6.14, na 7.6, na 2 Ko 5.15, na 1 Te 5.10, na Ib 9.14

mandeaca aku eteacna wat ngam maangiri.*
 20 Na an eteacna wat, anna aukna eteacna watta wanaiņ. Anna Karaisna eteacna wat mananna ndo aukap eacreke. Mandeaca aku an tipemb kirarirapa, an aiņira gan tiacarpaikca tikca morena aiņirta gargara, aku Raraņ Aetaniacna Nuocna ritipacna tip kirar mbuņa morena aiņir. Ma aukna moca mamatņi ngoin. Ainda moca ma auk ngotacna moca ndona eteacna watnan kecariatna. 21 Ainda moca aku Raraņ Aetaniacna kakadmaina opotacmo reac ngoreac toca kai mo kecari teac. Na Tip Wandikca ma aimo anņiri wandoņaica aia Raraņ Aetaniacna lamniac ngoutmo, wandoņ ngoin ndacari te, anna gidik ecte, Karaisna memenaca, ma reac wanaiņ toc ndacarinande.”

3

Pola Tip Wandikca ranņangaina tip kirarapa ritipaca ranņairena tip kirarna kam ndopatna

1 Ne warac. Aia nenmo Iesus Karaismo atuna wandaca ne ndorita, lamnik puņga watrina kirar, ma ik nakeraca eacrinanna, ne watatna kirar. Ainda moca ne Galesiana meikramtaira ne ņaņaņao ngoin! Mandeaca mandai ndo nenmo ndur ngoreaca moca ne roreapekna?

* **2:19** Menaca eacrena ramootna kirar: An kam tipna miniņa gaind, Tip Wandikca aimo Karais ndambuņ naanņira kiprina. Ri, aia Iesusa ripacrena laiplacarmo Tip Wandikna gargarna kanņaukca mba eacitndai. Mana gargara aimo mamairi. Rom sapta 7 wes 4na inik toco an kamma maeacreke. **2:20** In 13.1, na Ro 6.11, na Gal 1.4, na Epe 5.2, na Ta 2.14, na 1 Pi 4.2 **2:21** Gal 3.21, na Ib 7.11 **3:1** Gal 2.13-14, na 5.7

² Aku nenmo reac ian niņgikna digdigia, diginande. Ne Raraņ Aetaniacna Neron Ratmo, kaina taup ŋgoin mbuņ naņgiriņa? Ne Tip Wandikna, tipna kirara raņgaica aņgire ki? Co, ne kam wembaņ laņa waraca riņaca anna raņgaica aņgiriņa? ³ Ne kocnaia ŋaņaoca macariri? Nġaua ne mandeb ŋgeņaca Neron Ratna gargar mbuņa taņrina kirarira, ne mandeaca ne ŋgetrikica anmo ndorita gargar mbuņa moca maina ki? ⁴ Ne ŋgaua kam wembaņ laņ aņgica eacri, ramtair ndeida nemo anna makukar neaņrina. Na ne mandeaca anmo ne reac wanaiņ toc nakecarina moekca? Aku anna mba riņacri. Anna reac kamainda wanaiņ. Anna reac gidik.* ⁵ Raraņ Aetaniaca ndo nena kidrikca tikca ŋgagatracara moatke, nenmo Neron Rat neaņgatna. Kaina moca, ma aında moatna? Anna miņiņa gaind. Ma nemo Tip Wandikca raņgaina mona moat ki? Ki, ma nenmo kam wembaņ laņ mbaraca riņaca moa morina?

⁶ Na ne Abraamna tipna kirara wat. Raraņ Aetaniaca manmo aindoprina, “Ma Raraņ Aetaniacna kamma riņaca, aında moca Raraņ Aetaniaca mammo ramoot wandaņ laņ ndopatna.” ⁷ Aında moca ne gaind ndamņi, mandaib-

3:2 Up 10.47, na 15.8, na Ro 10.16-17, na Ib 6.4 **3:3** Gal 4.9, na Ib 7.16, na 9.10 **3:4** Ib 10.35-36, na 2 Io 1.8 * **3:4** Landamņina ramtair ndeida gan kammo gaind ŋguriracrena, “Ne ŋgaua, kam wembaņ laņ aņgica eacri, mori, ne ŋgagatracapa reik laiņa nena rik ndaruca, ne watta garacatna. Na ne mandeaca anmo ne reac wanaiņ toc nakecarina moekca?” **3:6** RL 15.6, na Ro 4.3, na Ie 2.23 **3:7** In 8.39, na Ro 4.11-12, na 4.16

inna kam wemban laja waraca ripacrena, mina Abraamna mombonik koind. ⁸ Na atu ngoinna kamma, Raraŋ Aetaniacna kamna inik ndeacrina kam wemban laja Abraammo gaindopatna, “Abraam, un mbuŋ tik, aku gan tiacarpaikna inikna auŋembta meikramtairmo muruŋa mataui moranŋande.” Ma ainda wandacatna, iŋmbaia Raraŋ Aetaniaca, Iudana meikramtair wanaiŋmo kam wemban laŋ mbaraca ripac te, ma ndo minmo ma meikramtair wandoik laiŋ ndopnande. Ainda moca ma Abraammo an kam wemban laja, atu ngoinna ndopatna. ⁹ Ainda moca Abraamma anna ripacri, Raraŋ Aetaniaca manmo mataua morina. Anna kirara meikramtaira mandeaca muruŋa ainda ripac te, Raraŋ Aetaniaca, min motocmo ainda mataui monande. ¹⁰ Raraŋ Aetaniacna Timbigta Kapna inikca tirca eacrena kamma gaindoprina, “Mandaibinna Tip Wandikca ranŋairena, mina Tip Wandikca Raraŋ Aetaniacna Timbigta Kapna inikca tirca eacrenanna, memetmbaca anna muruŋa ŋaŋari ranŋairanŋ ngocor ngoin ndacari te, Raraŋ Aetaniac, ma an ramootmo mo ngocrainande.” Aintik meikramtaira mandaia ndo gaindta iro ndamŋi te, Tip Wandikca ranŋangaina tipna kirara ndo meikramtairmo anŋiri, Raraŋ Aetaniacna lamniacmo wandonŋ laŋ ndaruna min, an iro ndamŋirena meikramtaira, Raraŋ Aetaniaca minmo anna makukna kanŋauk ndeacre-

3:8 RL 12.3, na 18.18, na 22.18, na Up 3.5, na 3.25, na Ro 9.17

3:9 Ro 4.16 **3:10** TW 27.26, na Ier 11.3

nanmo muruṇa, mo ṅgocrainande. ¹¹ Raraṅ Aetaniacna Timbigta Kapca gan kamma an inik ndeacrena, “Meikramtaira mandaia Raraṅ Aetaniacna ritipac ṅgutiṅ te, Raraṅ Aetaniacna lamniac ṅgoutmo mina wandoṅ ndeacnande. Na mina iarwarna eteacna wat gidikap eacraṅnandet.” Aintik an kamma aimo matau waekeke, ṅgoin mambopat, ainda moca ramoot ianna Tip Wandikca ranṅaica Raraṅ Aetaniaca manmo ramoot wandoṅ laṅ ṅgacna taupemb kocor. ¹² Na Tip Wandikca ranṅainaina kirara, anna ritipacna reaca wanaiṅ. Anna mana reac niṅgik. Ainda moca Raraṅ Aetaniacna Timbigta Kapca gaindoprina, “Ramootta Tip Wandikmo muruṇa gidik ṅgoinna ranṅai te, ma eteacna wat anṅica ma an mbuṅ ndeacnande.”

¹³ Na Tip Wandikca gaindta kamma eacrena, “Mandaia an Tip Wandikna kamma muruṇa anna ranṅai ṅgocor ndacari te, Raraṅ Aetaniaca manmo mo ṅgocrainande.” Ainda moca Karaisa ma aimo ṅgocrai narica aimo oikca mac nda anṅiatna, na an ṅgogocraina makukca ma ndo mbukrina. Na Raraṅ Aetaniacna Timbigta Kapca gaindopatna, “Meikramtaira muruṇa ik nakerac te, Raraṅ Aetaniaca minmo aind mbat te, ma lamṅinande, mina ṅgogocraina meikramtair.” Ainda moca Karaisa, aina taup anṅica, aina makukar anṅirina. ¹⁴ Aintik Raraṅ Aetaniaca Abraammo an kam laṅa, atuna neanṅa,

3:11 Aba 2.4, na Ro 1.17, na Gal 2.16, na Ib 10.38 **3:12** TN 18.5, na Nei 9.29, na Ro 4.4, na 10.5, na 11.6 **3:13** TW 21.23, na Ro 8.3, na 2 Ko 5.21, na Gal 4.5 **3:14** Esi 11.19, na Iol 2.28-29, na Sek 12.10, na Up 2.33

manmo gan tiacarpaikna inikna auņembta meikramtairmo muruņa anna mataui mona ndopatna. Na an aiņa Iesus Karais moatna aiņ, mandeaca an opotac laņa Iudana meikramtair wanaiņ motocmo malaruri. Ainda moca aia mamō riņpac te, aia Raraņ Aetaniacna Ņeroņ Rat aņņinande. Ma űgaua babua mbopatna kirar űgoiņ.

Tiņ Wandikca Raraņ Aetaniacna babuatna kammo mo kecarina minna wanaiņ

¹⁵ Ne Iesusa riņpacrena laiplacar, aku mandeaca, aina ramtairta tipembta kirarirta kam ndopna mamōek. Ramoot ianna kam leaca maica, ma gagara mo te, ramoot ianna, anna kam ndopna minna wanaiņ. Ainda moca ramoot ianna gaindopna minna wanaiņ, “Aia an kam leaca gagara morinanna mba raņgaiitndai.” ¹⁶ Atua Raraņ Aetaniac, ma Abraamapa mana racaindpaiknandmo kam ianna babuatna. Inņmbai ecte, an opotac ma babuatnan, ma larunande. Aindopatna kambca gade gan kam, Raraņ Aetaniacna Timbigta Kapca gaindoprina, “Abraamapa mana racaindpaiknanap babuca mbopatna kambca.” Gainda mba mbopatke, “Mana racaindpaik muruņ nake,” mba mbopatke. Mana miniņa gaind, ma mba meikramtair wiņ nake, mba babuatke. Wanaiņ. Ma gaindoprina, “Ma una racaind kabepaik niņgikna kam ndopca.” Ande

an racaindpaik niŋgik, ma Karais.† ¹⁷ Na aukna kamna miniŋa gaid. Atua Raraŋ Aetaniaca Abraammamo kam leaca gagara moatna. Kam anna 430na iarira tanga maiatke, karica Tip Wandikca laruatna. An Tip Wandikca iŋmbai ŋgoin ndaruatna. Ma mba an kam Raraŋ Aetaniaca atua leaca gagara moatna reaca mo kecarina minna wanaiŋ. ¹⁸ Raraŋ Aetaniac, ma gaid ndamŋiri co, aia Tip Wandikca ranŋaica Raraŋ Aetaniaca aina baburina opotac neaŋna min, co, an opotac, Raraŋ Aetaniaca mana bababu ndiŋ Abraammo mba neaŋ mbe. Aia lamŋirena, Raraŋ Aetaniacna tonŋton mbuŋa, ma Abraammo ndona bababu ndiŋa an opotac neaŋgatna. ¹⁹ Aind eac te, kaina moca, Tip Wandikca eacrina? Anna miniŋa gaid, Raraŋ Aetaniaca atuna babuatna kamna iŋmbai mbuŋa Raraŋ Aetaniaca Mosesmo an Tip Wandik neaŋgatna. Na Raraŋ Aetaniaca tonŋgorinanna, tip ŋgoreacna makukna miniŋ motocmo moi raekca tik. Ma tonŋgorinanna, Tip Wandikca eaci taŋi iŋmbaia an rimbin laru te, Raraŋ Aetaniaca an opotaca, atua manmo babuatna

† **3:16** Gan kam kidrik motemma Pola mbopatna, ma Reikca Laruatna timbigta kapna inikca eacrena. Anna sapta 13 wes 15, na sapta 15 wes 18, na sapta 17 wes 7apa wes 8. U anna matau wat te, an kamma mana miniŋa, miniŋ kabea wanaiŋ. Mina aindoprena, “Una racaindpaikca iŋmbai te, larunande.” Pola an kamma gaid ndamŋiatna, Karaisa ma ande an racaindpaik ndiŋa laruatna nuoc, Raraŋ Aetaniaca Abraammo babuatna.

3:17 NA 12.40, na Ro 4.13-14, na Gal 3.21 **3:18** Ro 4.14, na 8.17, na 11.6 **3:19** TW 5.5, na 5.22-27, na In 1.17, na Up 7.38, na 7.53, na Ro 5.20, na Ib 2.2

opotaca, manmo neanꝛnande. Karica Raraꝛ Aetaniaca an Tip Wandikmo ndona mbaiꝛna aiꝛa morena ȝerȝgaura neaꝛga mina anmo aina rikca witikca eacrena ramoot, Mosesmo kam gargar ndopca, ma aimo neaꝛgatna. ²⁰ Ainda moca ramoot ianna ma ndo ȝgoinna, ma ndomo aiꝛ ianna mo ndop te, ma mba an aiꝛmo ma rikca witikca eacrena ramoot ianmo mba neaꝛitndai. Ainda moca Raraꝛ Aetaniaca ma bababu neaꝛrinan, ma ndo kabe niꝛgik.

Tip Wandikca anna aina aet teker, ma aimo Karais ndambuꝛ naaꝛgira kipatna

²¹ Ainda moca aku gaindopnande, Tip Wandik, ma Raraꝛ Aetaniacna babuatna kam anmo ndait ki? Minna wanaiꝛ! Raraꝛ Aetaniaca aimo ainta tip wandik dam neaꝛri, co, ma aimo iarwarna eteacna wat neaꝛ mbe, ainda moca tip wandik damma raꝛgairenanna, ma aimo meikramtairmo moi wandoꝛaina min ki? Ainda wanaiꝛ. ²² Na Raraꝛ Aetaniacna Timbigta Kapna inik ndeacrena kamma gaindoprina, “Tip ȝgoreacna makukna tipna kirara gan tiacarpaikna meikramtairmo muruꝛa leaca meraca mina maeacreke.” Ainda moca Raraꝛ Aetaniaca an tip ȝgoreacna makukna tipna kirarmo wattacarica ma larurina, aia mandaia Iesus Karaisa riꝛac te, aia an babuatna opotac, Raraꝛ Aetaniac aimo aꝛgi ndopatna opotaca ma mandaia riꝛaca utiꝛgeknanna neaꝛnande.

3:20 Ro 3.29-30 **3:21** Ro 8.2-4 **3:22** Ro 3.9-19, na 3.23, na 4.11-12, na 4.16, na 11.32

²³ Na atua ritipaca laru ngocor ndeacri, Tip Wandikca aimo leaca meraca eacrina. Eaca tanğa ritipaca larua raekca tikcapeke. ²⁴ Aintik Tip Wandikca aimo aina aet tekerna kirar toc ndeacri, anna ma aimo Karais ndambuņ naangia kipatna. Na aia kipca Karaisa ripaca utiņ te, Raraņ Aetaniaca aimo aņgiri wandoņaica ma aimo meikramtair wandoik laiņ ngacnande. ²⁵ Ainda moca mandeaca ritipacna min ngoin ndacariapeke, aia mba an aet tekerna kaņgakca mba mac eacitndai.

Ritipaca ndo aimo moca aia Raraņ Aetaniacna mombonik tarurina

²⁶ Na ne muruņa Iesus Karaisa ripaca mana mikrinan. Aintik ne muruņa, Raraņ Aetaniacna mombonik. ²⁷ Na ne muruņa kitac puk aņgırca maica Karaisap mikca eacrenan, na ne muruņa Karaismo ramootta ndona tik ngapaoc rocot aoca eacre toc. ²⁸ Na Karaisna wiwit ndarunanna, ne muruņa aņgiri, tumbun kabe ngoinna tikca, wat te, Raraņ Aetaniacna lamniaca anna Iudanan, co, Giriknanna wanaiņ. Na tuomna aiņ kamaindna aiņna ramoot, co, auņna ramoot wanaiņ. Na ramoot, co, meaca wanaiņ. Wanaiņ ngoin! Na mandeaca, ne Iesus Karais mbuņ tik, ne muruņa tumbun kabe ngoinna tikrina. ²⁹ Na ne Karaisnan eac

3:23 Gal 4.3 **3:24** Up 13.39, na Ro 10.4, na Gal 2.16, na Kol 2.17, na Ib 9.9-10 **3:26** In 1.12, na Ro 8.14-16, na 1 Io 3.1-2

3:27 Ro 6.3, na 13.14 **3:28** In 10.16, na Ro 10.12-13, na 1 Ko 12.13, na Epe 2.14, na Kol 3.11 **3:29** Ro 4.13, na 9.7, na Gal 4.7, na 4.28, na 5.1, na Epe 3.6, na Ib 11.18

te, ne Abraamna racaindpaiknan. Atua Raraŋ Aetaniaca Abraamnanda neaŋ ndopca baburina opotac, ne anġinande.

4

Karaisna aiŋ mbuŋ tik, aia tuombta aiŋir kamnderta meikramtaira Raraŋ Aetaniacna mombonik tarurina

¹ Aintik aukna kamma gaind. Ramoot aet ian ma ndona mooŋnuoc ianap. An mooŋnuoca, mana aetta menac te, ma ndona aetna reikmo iŋmbaia ma kocnai anġinandet, na an reikca anna mananna monande. Na ma mooŋnuoc teker ndeac te, ma ndona aetna tuombta aiŋir kamnderta ramtairta kirar ndeac te. ² Ma ndo, mana ŋginaŋa morena ramtairapa ater tekirta bubuocna kaŋgauk ndeaci taŋi mana aetta ndo baburina min mbuŋ. ³ Na mana miniŋa gaind. Ai toco aintocna kirar. Aia mombonik tekir ndeacrina kirar, aimo gan tiacarpaikna ŋerŋgaurta gagrara ndo aina aet tekir ndeacri. Aia mina tuombta aiŋir kamnderta tipembta kaŋgauk ndeacrina. ⁴ Aintik Raraŋ Aetaniaca ma ndo lamŋica ŋganŋgirina ra ŋgoin laruatke, ma ndona mooŋnuocmo mandaca ma makipat. Na gan tiacarpaikna meaca manmo mirca, ma ramoot ndaruca Tip Wandikna kaŋgauk ndeacrina. ⁵ Ri, aimo meikramtairmo Tip Wandikna

4:3 Gal 2.4, na 3.23, na Kol 2.20 **4:4** RL 3.15, na Mt 5.17, na Lk 1.31, na In 1.14, na Ro 1.3, na Epe 1.10, na Ib 2.14 **4:5** Mt 20.28, na In 1.12, na Gal 3.13, na Epe 1.5-7, na 1 Pi 1.18-19 **4:5** Ro 8.15-17

kanḡaukca tiki aimo mac nda oikca, aimo Raraḡ Aetaniacna mombonikca mona moca.

⁶ Mandeaca ne Raraḡ Aetaniacna mombonik teacrena. Ainda moca Raraḡ Aetaniaca ndona Nuocna Neronḡ Rat mbagirica an Neronḡmo mandaca, ma aina iroar inkar maeacreke, na ma aimo aoca aia Raraḡ Aetaniacmo gaind ḡgaca mboprena, “*Abba, Ate.*” * ⁷ Ainda moca u mandeaca, tuomna aiḡ kamainda mba mac mo eacitndai. Wanaiḡ! Raraḡ Aetaniaca unmo moca u mana moonḡnuoc malaruri. Na u mana moonḡnuoc ndaru te, u gaind ndamḡji, ma ndona reik laiḡga ma umo nearḡnande.

Pola Galesiananta moca kakadmai ḡgoin

⁸ Na ne Raraḡ Aetaniacmo ḡgaua lamḡji ḡgocor ndeacri, ne gan tiacarpaikna reikmo, anmo Raraḡ Aetaniaca ndopca mina tuombta aiḡji kamnder koindara morina. ⁹ Na mandeaca, ne Raraḡ Aetaniacna inpaḡan mawatreke. Co, aku gaind mac nda ke mbopnande, Raraḡ Aetaniaca ma nena indepaḡaind mawatreke. Ainda moca ne kaina moca gan tiacarpaikna ḡernḡgaura gagrar kocorapa laiḡga wanaiḡ ndambuḡ mac nda taḡga mina tuombta aiḡji kamnder mac mona moek? ¹⁰ Memetmbaca ne ndorimo rai anikta kirarira ranḡgairanḡ te, ne ndorimo karwir anikta inikna rana kirarir anikta

4:6 Ro 5.5 * **4:6** Aramna kam mbuḡa Iudana mombonikca mina ndorita atermo gaind ḡgacrena, “*Abba.*” Na mana miniḡa, “*Ate.*” **4:7** Gal 3.29 **4:8** Ro 1.25, na 1 Ko 8.4-6, na 12.2, na Epe 2.11-12, na 1 Te 4.5 **4:9** Ro 8.3, na 1 Ko 8.3, na Kol 2.20, na Ib 7.18 **4:10** Ro 14.5, na Kol 2.16

raia rangairan te, ne guiarta kidrikarta kirarira, rangairan te, ne ndorimo iarir anikta kirarira rangairan na moca! ¹¹ Ainda moca aku nena an tipemb kirarirna ndamnjireke, aku rugut morena! Moca an ain, aku nemo moatna ain na mana gagamma mba laruitndai.

¹² Ainda moca aukna Iesusa ripacrena laiplacar, aku nenmo tongorena nemo aukna kirar toc ndaruna moca, aku nemo gaindopnande. Aku ndo, aku aina Iudana tip wandik kecarica, aku mandeaca, nena kirar maeacreke. An minna tikca ne aukmo tip ngoreac ianna mo ngocor. ¹³ Ne mataua lamnjirena, out ngoin, aku ainta roubm ianna aukmo angica, an roubm mbuñ tik, aku kipca laruca out ngoinna nemo an kam wemban lan wiwitorina. ¹⁴ An min mbuñ, aukna tikca gagra ngocor, aintik anna ndo nenmo makuk aniac neañga maeacreke. Ne anna moca aukmo mba kecariri, na ne aukmo mba pepereri. Wanain ngoin. Ne aukmo, Raran Aetaniacna mbain na ain morena ñeron ian angirina kirar. Co, ne Iesus Karais angirina kirar ngoin. ¹⁵ An min mbuñ, ne weperei aniac angica aukmo ton-ton ngoin. Aku nenmo gidik ngoin ndopnande. Ngaua, ne aukmo roubap eacrinanna watca ne kakadmai angica, ne auk ngotacna ton-ton bagaraniac ngoin, na ne ndorita lamnikmo tarkica aukmo neañna min, aind, co, ne tarkica aukmo otac mbe. Nena auk ngotacna anna mamatji nenanna ngannganngina minna, anna min. Na mandeaca nena an ton-ton ten

ndeacre? ¹⁶ Tida moca? Aku nenmo kam gidik ki ndopca? An kamma ndo aukmo moca aku nena puñdamoot toc ki, ndaruapek ki, a?

¹⁷ Na ne warac! An meikramtaira, mina nenmo wai aocrena, mina nen ŋgotacna landamñi laiñ kocor, wanaiñ! Mina ndorimo nenmo wawara mo te, ne min ñngik ŋgotacrañna moca. ¹⁸ Ne ndorimo kabena meikramtairmo opotaca momona tip lañna tipca anna miniña anna lañ ecte, anna lañ. Memetmbaca, ne aind ñngik ndeacrañ. Na aku nenap eacrena min, ne aind ñngikca kai toñgo mo teac. Memetmbaca aku nenap eacrenan, co, aku nenap eac ŋgocor, ne ainta kirar ñngikca mo eacrañ. ¹⁹ Ne aukna mombonik, aku toñgorinanna ne Iesus Karaisna kirar ŋgoin ndaru. An kakadmaica ndo aukmo moca aku girgirap, an girgira meaca moonñuoca mirna moreke anñirina girgirna kirar. ²⁰ Aku nenap mac eacnan, co, gan kam gargar, aku nenmo mac ŋgetrikica kam wetwet mbuña mac mbop mbe. Ndacpemb koind, aku mandeaca nenapmo mba mac eacitndai. Aku nena moca kakadmai bagarianiac ŋgoin. Aku mba lamñiapeke, aku nenmo titoca moit.

Egaapa Sarana kam roor

²¹ Ne meikramtaira ndorimo Tip Wandikna kañgaurk ndeacna morenanna, ne mandeaca, aukmo mbop, ne Tip Wandikna kamma lamñi ŋgocor ki, a? ²² Na Rarañ Aetaniacna Timbigta Kapca gaindoprina, Abraamma nuocna

moonnuoc mbuniņ niņgikap. Ianna mana tuomna aiņ kamaında meaca mirrina, na ianna mana tuomna aiņ kamaında meaca wanaiņ, anna, mana meac laņtango mirrina nuoc. ²³ Na Ega, ma tuomna aiņ kamaında meac, na ma mirrina nuoca, an aia mombonik wit larurena kirara mirca larurina. Na Sara, ma tuomna aiņ kamaında meaca wanaiņ, ma mirrina nuoc, anna Raraņ Aetaniaca ndo babuca ma larurina nuoc. ²⁴ Na kam roor ianna gan nininina inik maeacreke. An meacniņna kam roorna miņiņa gaind, anna Raraņ Aetaniaca meikramtaiņap kam mbuniņ leacrina kidrikna kirar toc. Raraņ Aetaniaca, Egamo meikramtaiņap kam leaca gargara moatna kirara Sainai takura tikca moatna. Ri, ma mana mombonikca tuombta aiņir kamndera morena mombonikta kirar ndeacnande. ²⁵ Na Ega, ma Arebia pitrik ndeacrena takur Sainai toc. An takura ma mandeaca auņ aniac Ierusalemna kirar. An Ierusalem, ma ndona mombonik Iudanandap tikca, mina tuombta aiņir kamnder mamoreke. ²⁶ Karica kabena Ierusalem ianna Raraņ Aetaniacna tamuņna auņ ndeacrenan, anna ma Sara toc. Ma tuomna aiņ kamaında meaca wanaiņ, ma auņ miņiņna meac maeacreke. An Ierusalemna aina aemma ande. ²⁷ Raraņ Aetaniacna Timbigta Kapca aindopatna, “U kopirina meac, u toņtoņ ņgoin ndeac! U moonnuoca mirrena girgirmo, u lamņi ņgocor, una nikinikca laņ. U toņgoca ņpar kum te, kamb ke! Na u an meac, u laņgoca

4:23 RL 18.10-14, na Ro 9.7-9, na Ib 11.11 **4:24** Ro 8.15, na Gal 5.1 **4:26** Ib 12.22, na KIEK 3.12, na 21.2, na 21.10 **4:27** Ais 54.1

ramootta unmo karirinan. U ramootapna meacna mombonikmo una mombonikca mananmo kunda wit aniac ndarunande.”²⁸ Na ne Iesusa ripacrena laiplacar, ne Aisakna kirar ngoin. Raraŋ Aetaniacna bababu ndiŋ ndarurina nuoc, Raraŋ Aetaniacna bababu mbuŋ tik, ne mana mombonik tarurina.²⁹ Karica an moonnuoca ma meikramtair moca moonnuoc larurena kirara moca larurina moonnuoc, an moonnuoca kabena moonnuoc ianna Raraŋ Aetaniacna Neronŋa gargar mbuŋ ndarurina moonnuocmo mo laŋa mba morinanna. Anna kirara mandeaca maeacreke.³⁰ Na Raraŋ Aetaniacna Timbigta Kapna inik ndeacrena kamma, titocna kam ndopatna? Mana kamma gaidoprina, “An tuomna aiŋ kamaında meacapa mana nuocmo kecarı te. An tuomna aiŋ kamaında meacna moonnuoc, ma kai auŋ miniŋna meacna nuoc, ndambuŋ ndeacrena reiki, kai aŋgi teac.” Raraŋ Aetaniacna Timbigta Kapna kamma aindoprina.³¹ Aintik aia Iesusa ripacrena laiplacar, aia lamŋirena, aia tuomna aiŋ kamaında meacna mombonikca, wanaiŋ. Aia auŋ miniŋna meacna mombonik.

**Neronŋ Ratta ndo aina tiŋara
moreke, aia ripacrena laiplacara
aia kabena ramtairmo tip laŋa
monande**

4:28 Up 3.25, na Ro 9.7-8, na Gal 3.29 **4:29** RL 21.9, na Gal 5.11, na 6.12 **4:30** RL 21.10, na In 8.35 **4:31** In 8.36, na Gal 3.29, na 5.1, na 5.13

5

(5—6)

Aia wanaiŋ ŋgoin ndeacna tuombta aiŋir kamnderta aiŋa kai mo teac

¹ Na Karaisa ma ndo aimo tuombta aiŋir kamnderta makukarta kaŋgaukca miŋ narica, ma aimo moa gogobirina. Ainda moca ne matau wiŋiki gagraca, ne kabena ramtairmo kai watcarica, mina nenmo tuombta aiŋir kamndera kai mac mo teac.

² Na ne warac. Aku Pol, aku nenmo ain-dopnande. Ne minmo wattacarica mina nena tikiŋit katac te, ne ainda mo te, Karaisna aiŋira nenmo mba mac otacitndai. Wanaiŋ ŋgoin!

³ Ne ramtaira muruŋa ndorita tik watcarica mina nena tikiŋit katac te, aku nenmo gaiŋd mac mbopnande. Ne an kirara mo te, laŋ, ne taŋca an Tiŋemb Wandikca muruŋa raŋgairan. ⁴ Karica ne ndorimo Tiŋ Wandikca raŋgaina moca more-nanna, ne ndorimo an taupca mo te, Raran Aetaniac nenmo meikramtair wandoik laiŋ ŋgac te, ne ainda mo te, ne Karaismo kecamacarica. Na ne Raran Aetaniacna kakadmaina opotacmo kecamacariri. ⁵ Aia Raran Aetaniacna Ŋeronŋa gargar mbuŋ tik, aia Raran Aetaniaca riŋpaca mana lambi te, ma aimo meikramtair wandoik laiŋ ŋgacnande. ⁶ Na ramootta Iesus Karaisap eac te, tikiŋit kakatacna tiŋ kirarna aiŋa miŋiŋ kocor. Na ramootta wanaiŋ ndeacekna tiŋ

5:1 In 8.32, na 8.36, na Up 15.10, na Ro 6.18, na Gal 2.4, na 5.13, na 1 Pi 2.16 **5:3** Gal 3.10 **5:4** Ro 9.31-32, na Ib 12.15 **5:5** Ro 8.24-25, na 2 Ti 4.8 **5:6** 1 Ko 7.19, na Gal 6.15, na Kol 3.11, na Ie 2.18-22

kirara, an toco wanaiŋ. Na ramootta ritipacna tip kirara riŋpac te, anna ndo manmo aoci ŋgepca ma kabena meikramtairmo ma matŋia, minmo ndiarna tip kirara monande. Anna ndo reac gidik ŋgoin.

7-8 Na ne ŋgaua Karaisna taup ŋgoin ndiŋa mataua taŋrina. Na mandeac, mandaia ndo nena taup mboraca mandeaca ne mba kam gidikca mba raŋgaiapeke? Raraŋ Aetaniaca wanaiŋ. Ma nena ŋgacrena ramoot. Ma nena taupca mba mboracri. Wanaiŋ ŋgoin! ⁹ Aintik ne matau lamŋi, is tekemmotemma tapaca momona witap tiki kurica mo te, tapacarta inikca muruŋ mbuki minna tiknande. ¹⁰ Na aku gaimda riŋpacrina. Kacoot, ma nenmo otaca ne aukna iroa raŋgainande. Na ne mba kabena iroara mba lamŋica aŋgiritndai. Na mandaia ndo nena iroara moa ŋgocrairina, an ramootmo kai lamŋi teac, ma ndona tipemb kirarir ŋgorikta opoikca ma aŋginande.

¹¹ Na ne Iesusna riŋpacrena laiplacar, aku ramtairta tikemb injir katacna kamma gidikca riptirenan, aind co, kaina moca mina memetmbaca aukmo moa ŋgocraica taŋrena? Na aku aindop te, ramtairta tikiŋit katac, aindop te, Iesusna ik nakekeracna kamma mba

5:7-8 1 Ko 9.24, na Gal 1.6, na 3.1 **5:9** 1 Ko 5.6, na 15.33
5:10 2 Ko 2.3, na 8.22, na 10.6, na 11.15, na Gal 1.7 **5:11** 1
 Ko 1.23, na 15.30, na Gal 6.12, na 6.17

meikramtairta iroara mba mongocraitndai.*

¹² Na an meikramtaira nena iroara moa ngetrikirina, mina gade gan tikiñit kakatacna tipna kirar nagagararena. Mina ainda mona tonngo te, mina ndorita gebarta tikiñit katac te, utniñ motoco kocnai waiñtoci kecar.

¹³ Na anna gidik ne Iesusa ripacrena laiplacar, Rarañ Aetaniac ma nenmo tuombta aiñir kamnder naañgirina makukara mo kecarica, wetwet lañ ndeacna ngacrena. Moca ne ndorimo gaid ndamñi nari, “Aia wetwet lañ ndeac te, aia ndorita nikinik iroar bagarna tipemb kirarir ngorikca aia anap eacrañnande.” Na ne ainda kai lamñi teac! Wanaiñ! Ne kabe, kabena ndorimo kabena meikramtairta aiña moca minmo opotacapa mamatñia morañ. ¹⁴ Na Tip Wandikna kambca muruña gan kamna miniñ kabe ndeacrena, “U kabena meikramtair motocmo, u ndoa matñia morena tip kirara, min motoco mo, u ainta mamatñina ndiarna tip kirara mo.” ¹⁵ Na ne ndorita rikmo kaega moca ndorica ruñrañ te, ne ndoritake wat! Moca ne ndorimo muruña mo ngocrai nari.

*Ngauna tipemb kirarirapa Rarañ Aetaniacna
Neroñ Ratna tipemb kirarirap*

* **5:11** Iudananda, mina Polmo an tikiñit kakatacna kamna riptia mona tonngorena. An ik nakekeracna kamma, anna Iesusna kam wembañ lañ ngoin. Na an kam wembañ laña, tikiñit kakatacna kamna inikca mba eacitndai. Ainda moca tikiñit kakatacna kamma, Pola mba riptiatke. **5:13** 1 Ko 8.9, na 9.19, na 1 Pi 2.16, na 2 Pi 2.16-19 **5:14** TN 19.18, na Mt 5.43, na 7.12, na Ro 13.8-9, na Ie 2.8

¹⁶ Na aukna kamma gaind, ne Neron Ratmo watcarica, ma nena eteacna tiŋara mo te, ne mba an ŋgauna tipemb kirarir bagrara mba ranġaiitndai. ¹⁷ Na aia lamŋirena, iro nikinik bagara ma ndomo Neron Ratta mo irikna moreke. Na Neron Rat toco, ma iro nikinik bagara moi irikna morena. Aintik maniŋa ndoniŋmo paŋan ndamootniŋa moca, aida moca an reikca ne mo ndopca morena, ne mba moitndai. ¹⁸ Aida moca ne Neron Ratta ranġai te, ne mba Tip Wandikna kanġaukca mba eacitndai.

¹⁹ Na ne ŋgaua nikinik iro bagarna tip kirar ŋgoreaca ne lamŋirena. Mana tip kirara gaind, meikramtair lanŋanġoia meacramootna kanŋertaapna tip kirara morenanapa, meikramtair lanġo ŋgocortanna kabena meacramootap ŋgorenan, na tip ŋgaduduk ŋgoinna morena. ²⁰ Na an mirpembraraiŋmo, ne anmo ndorita Raraŋ Aetaniac ndopca, ne anna ranġairena, na koikapa, ndururca muruŋa morena, na ndorimo titkara moca ŋgepca, na kabena ramtair laiŋta irembca mo ŋgocrairena, na nikembkatca ruŋrena. Na ndona ŋgomornandmo ndiaŋndiaŋnande. Na ndomo ndo niŋgik ndamŋi te, ndona imo tamuŋa tikna tongoreke, na kabena ramtairta reikmo ndomo aetta mona morena. ²¹ Na puk amca paŋan roreca ŋgepca keambererena. Na

5:16 Ro 6.12, na 8.4, na 13.14, na Gal 5.25, na 1 Pi 2.11 **5:17**

Ro 7.15-23, na 8.6-7, na 1 Pi 2.11 **5:18** Ro 6.14, na 8.2, na 8.14

5:19 1 Ko 3.3, na 6.9-10, na Epe 5.3, na Kol 3.5, na Ie 3.14-15

5:21 1 Ko 6.9, na Epe 5.5, na Kol 3.6, na KIEK 22.15

kambca wanaiŋ nakerena, na reac, reacmo wanaiŋa moranŋande, na ainta tipembta kirarira morena. Ngaua aku nemo mbopca maiatna, na mandeaca aku nenmo an kam kabe mac mbopna mamoeŋ. Meikramtaira muruŋa ainda mo te, mina mba Raraŋ Aetaniacna bubuocna kaŋgaukna inikca mba mbukitndai.

²² Aintik Raraŋ Aetaniacna Neronŋ Ratta aimo aoca ngepca aimo gaindta tipemb kirarir laiŋga monande. Kabena meikramtairmo gidik ngoinna matŋiraŋ, ainta weperaina tip kirar aŋgica, nikinik iro wetwetna tip kirara mo te, makukarta inikca u matau witiki gagraca eacraŋande. Te, meikramtairmo ndiara mo te, tip laŋa mo te, tip laŋna kirarmo wandoŋa mo taŋraŋ te, tip gidikca mo. ²³ Te, laŋan wetwet ndeacna tip kirara mo te, na iro bagarmo tikcarina min. Na tip wandik ianna anna wandik ianna tik ngoŋor. ²⁴ Meikramtaira muruŋa Iesus Karaisnan ndarurina. Na mina muruŋa ndorita nŋauna nikinik iroar bagrarta tipemb kirarir nŋorikta tipembapa, mana toŋtoŋna mamatŋina reikap aŋgira, muruŋa anap ik naaŋgia keraca, mina anap mamenacri.

²⁵ Na Raraŋ Aetaniacna Neronŋ, ma aimo wat nŋam neaŋgatna. Ainda moca aia mamowatcarica ma aina eteacapa tiŋara moranŋ. ²⁶ Na aia ndorita irembmo kai aŋgiri ngep teac. Na aia kabena ramootmo, kaega kai moi

5:22 1 Ko 13.7, na Epe 5.9, na Kol 3.12, na Ie 3.17 **5:23** 1 Ti 1.9 **5:24** Ro 6.6, na 13.4, na Kol 3.5, na 1 Pi 2.11 **5:25** Ro 8.4-5, na Gal 5.16 **5:26** Pil 2.3

ngepna kamma kai mbop teac. Na aia kabena meikramtairta reikmo kai anjina mo teac.

6

Titna amna reaca u mutocrinan, an ningikca u an mac nda anjinandet

¹ Na ne Iesusa ripacrena laiplacar, ne lamjirenanna nena ianna tip ngoreacna makukca mo te, ne mandaia Raranj Aetaniacna Neronja rangairenanna, ne an ramootmo lajanna moca manmo otaca mana tip kirarmo anjiri wandonjai. Na ne toca ndoritake wat. Moca Ramoot Mbikca nenmo, tip ngoreacna makukca towai te, ne anna moca irik nari. ² Na ne kabena meikramtairmo, otaca mina makukar mbuk. Na ne ainda mo te, ne Karaisna tip wandikmo ne moa magagrari. ³ Na ramoot ianna mana i aniac wanaij, ma ndomo i aniac ndop te, ma papararu ngoin, ma ndomo paruapekna. ⁴ Ainda moca meikramtaira muruja ndorita morena tipembta kirarirmo, mina ndori punja ritri lamjinande, anna laj, co, laja wanaij. Ma ndona matjirena tip kirarmo, ma kabena ramootna tipna kirarmo, ndonanap mba ritriitndai. ⁵ Ainda moca ramoot kabe, kabea muruja ndorita morena aijna makukara ndori punja mbuknande.

⁶ Na ramootta Raranj Aetaniacna kamna ripti

6:1 Mt 18.15, na 1 Ko 2.15, na 4.21, na 7.5, na 2 Ti 2.25, na Ib 12.13, na Ie 5.19 **6:2** In 13.14-15, na Ro 15.1, na 1 Te 5.14, na 1 Io 4.21 **6:3** Ro 12.3, na 1 Ko 8.2, na 2 Ko 3.5 **6:4** 1 Ko 11.28, na 2 Ko 13.5 **6:5** Ro 2.6, na 14.12, na 1 Ko 3.8 **6:6** Ro 15.27, na 1 Ko 9.11, na 9.14

anğirinan, ma ndona reik lainmo, ma ndona rip-tia morina ramootmo, ma manmo biñainande. An toco manan.

⁷ Moca ne ndorimo paruca ne ndorimo Rarañ Aetaniacna ngumma rindiñ ndop te, ne toa mba tikitndai. U mandaia titna amna reacna mindika, ndona wariñna inikca mutocrina, an amna reac niñgikca ndo una wariñna inik nagacnande.

⁸ Moca ramoot ian, ma ndona ngauna nikinik iro bagara anna ranğairenan, na nikinik iro bagarna kirara ma gagam ngoreac anğica kocnai ngocrainande. Na ma ndo Neron Ratna kirara ranğai te, Neron Ratta mana tiñara moca, ma mana gagam lañ anğica ma iarwarna eteacna watap eacrañnande.

⁹ Ainda moca aia tipemb kirarir lainğa momoa kai ñate teac. Aia an aiña ñate ngocora mo te, mana gagam anğina ra laru te, aia mana gagam anğina min. Na aia gagam lain koind anğinande.

¹⁰ Ainda moca kaina ra, aia kabena meikramtairmo tipemb kirarir lainğa mona min te, aia ainda mo. Na aia tipemb kirarir lainğa mo gagaraca kabena meikramtaira Iesusa ripacrenanmo, minmo an tipemb kirarir lainğa morañ.

Gan timbiñ raparna mamaina kam

¹¹ Na an kam motemma aku ndo ngoin tirna mamoeck. An kambca, aku titrir anik punğa tikca eacrañnande. Ne anna watca, an

6:7 Iop 13.9, na Lk 16.25, na Ro 2.6, na 1 Ko 6.9 **6:8** Osi 8.7, na 10.12, na In 3.6, na 6.63, na Ro 8.13, na Ie 3.18
6:9 1 Ko 15.58, na 2 Te 3.13, na Ib 3.6, na 3.14, na KIEK 2.10 **6:10** Epe 2.19, na 1 Te 5.15, na 1 Ti 6.18, na Ib 3.6

kamna nininia warac. ¹² Na Iudana ramtair, mina ndorimo nena tikemb injir katacna moca anna nagagararena, mina ainda mo te, ndorimo kabena ramtairta lamnikmo, ndorita irembmo angji ngepna moca. Aintik mina rugut moca aind ndamnjirena, “Njarikca kabena ramtair ndeida aind ndamnji nari, aia Karaisa ripaca mana ik nakeracrinanna ranjai te, mina aimo mo ngocrai nari.” ¹³ Ainda moca ramtaira, mandaia an Iudananta tikiñit kakataca angirca eacrenan, mina ndori punja mina an Tip Wandikca mba njanaria ranjairananna. Mina ndorimo nena tikemb injir katacna moca, mina ndorimo nena tik kakatacna aiña anna mo te, anna i aniac angina moca morena. ¹⁴ Na Iesusa ma ik nakeraca menacatnan tik, aku ndona ia mba angjiri ngepitndai, co, reik ndeidta i toco mba angjiri ngepitndai. Wanaiñ ngoin! Aku Kacoot Iesus Karaisna i ningikca aku an ningik naangjiri ngeprañnande. Mana ik nakeracna moca moatna aiñirta moca, ainda moca gan tiacarpaikna tipemb kirarira aukna iro inikca mamairi, ainda moca aku ndo an ik nakeraca menaca aku gan tiacarpaikna tip kirara mba mac ranjaiitndai. ¹⁵ Ainda moca mandeaca tikiñit kakatacna tip kirara, anna reac wanaiñ mamori, na ainda moca ramootta wanaiñ nde-teacna tip kirara an toco anna wanaiñ mamori. Ainda moca Rarañ Aetaniaca ndo aimo moa meikramtair ngaib laiñ taruca, anna ndo reac

6:12 Gal 2.3, na 2.14, na 5.11, na Pil 3.18
6.6, na 1 Ko 1.31, na 2.2, na Pil 3.3, na 3.7-8
Gal 5.6, na Kol 3.11

6:14 Ro 2.29, na
6:15 2 Ko 5.17, na

gidik ngoin. ¹⁶ Aintik mandaia an iro anġica anna ranġairenan, Raraŋ Aetaniac, ma ndo an meikramtairmo muruġa kadmairena, na mina iroar inkara moi wewettaca laŋ ndeacnande. Na an meikramtaira mina Raraŋ Aetaniacna Israelnand koind.*

¹⁷ Na aukna kamna mamaia gaind, aku karirina, kabena ramoot ianna aukmo kabena makuk ianna kai mac nearġ teac. Na ramtaira aukmo pirina ndipta nġeara, gade aukna tik maeacreke, na mina aında wandacrena, aku Iesusna aiġna ramoot ngoin.

¹⁸ Na ne Iesusa riġpacrena laiplacar, aina Kacoot Iesus Karaisna eteac laġna opotac manan, nenmo nena kabe, kabena nġernġaurap eacnande. Na anna gidik ngoin.

* **6:16** Israelnand koinda: Landamġina ramtair ndeida aında uriracrina, Israelnand koinda, Raraŋ Aetaniacna tumbunna mandeb nġepri, mina Iudananapa Iudana meikramtair wanaiġnanta riġpacrena barnan. Na mina Abraamna bar nġam, aintik mina Raraŋ Aetaniaca Abraammo baburina opotaca mina anġinande. Na an kam toco, ma Galesia sapta 3 wes 29, na Rom sapta 9 wes 6, na Pilipai sapta 3 wes 3 toco eacrenan. **6:17** 2 Ko 1.5, na 4.10, na 11.23, na Gal 5.11, na Kol 1.24

**Raraŋ Aetaniacna Kam Wembaŋ Lan
New Testament in Mborena Kam language
Nupela Testamen long tokples Mborena Kam long
Niugini**

copyright © 2016 Pioneer Bible Translators

Language: Borei

Translation by: Pioneer Bible Translators

© Pioneer Bible Translators Association of Papua New Guinea, Inc.; ©
Pioneer Bible Translators of Dallas, Texas, USA

This translation is made available to you under the terms of the Creative
Commons Attribution-No Derivatives license 4.0.

You may share and redistribute this Bible translation or extracts from it
in any format, provided that:

You include the above copyright and source information.

You do not make any derivative works that change any of the actual
words or punctuation of the Scriptures.

Pictures included with Scriptures and other documents on this site are
licensed just for use with those Scriptures and documents. For other uses,
please contact the respective copyright owners.

2022-06-21

PDF generated using Haiola and XeLaTeX on 11 Nov 2022 from source
files dated 29 Jan 2022

8e1073ed-d2dc-5f3a-bb48-5406185123a7